

REGIONAL NEWS BULLETIN

HEADLINES (MORNING)

- 1. Aizawl Municipal Corporation-AMC inthlan atana Home Voting neih mekah mi 970 in vote an thlak tawh.
- 2. Mizoram Universal Health Care Scheme-a inziah luh theih hun chu May ni 15, 2026 thleng pawhsei a ni dawn.
- 3. Bihar Deputy Chief Minister leh BJP MLA nilai Samrat Choudhary chu vawiinah Bihar Chief Minister thar atan lakluh a ni dawn.
- 4. Nimin khan US President Donald Trump-a chuan telephone kaltlangin Prime Minister Narendra Modia a rawn bia

<><><>

HOME VOTING

Aizawl Municipal Corporation-AMC inthlan atana Home Voting neih mekah mi 1986 in vote an thlak tawh.

Akashvani News Aizawl thudawn danin nimin tlai thlenga Home Voting kaltlanga vote thlak hi mi 1986 an tling tawh a, za zela 71.77% in vote thlak in vote la thlak lo mi 781 an awm a, nimin bikah mi 970 in vote thlak in vote hi Ningani thleng an thlak thei dawn a ni.

Home Voting atan hian kum upa te, damlo natna khirh bik nei polling station pan theilo te leh pianphung a rualbanlo polling station pan theilo te tan ruahman a ni a, AMC Ward 19-ah kalpui vek tur a ni a, Ward tinah Home Voting Team pakhat theuh awm in, Home Voting ti tura dilna lut zat hi 2769 a ni a, ni 4 chhung a vote thlak hi zawh hman tura ruahman a ni, Municipal Ward – 2 ah dilna hi lut tamber in diltu mi 209 an awm a ni.

<><><>

CYMA

Central YMA President Pu R. Lalnggheta'n Central YMA chu mi thenkhatin lei theih ang hialin chhuah thin mahse YMA chu lei theih an nilo tih a sawi.

Reliance Foundation-in Formosa Foundation, India kaltlanga Ambulance an hlan semchhuahna hun a hmanpui na ah he thu hi sawiin Pu R. Lalnggheta chuan YMA chu lei theih an nih loh thu a sawi a, Formosa Foundation thil tum a hriatchian thu sawiin an hmalakna ah YMA chu an din tlat tur thu a sawi a, Mizorama hnam bil inthendarh chu YMA in rem an tilo tih sawiin Ambulance an dawn pawh YLA leh MTP kutah an hlan ve dawn tih a sawi bawk.

Ambulance hi Central YMA chuan Chalfilh Group YMA hnenah an lo hlan tawh a, nimin khan Aibawk-ah Chhimphei Group YMA leh Hmuifangtlang Group YMA kutah an hlan a, Lunglei-a Convention Center ah Zobawk Group YMA, Pangzawl Group YMA leh Chawngte Group YMA bakah MTP Sub-Headquarters, Tipa V leh YLA Sub-Headquarters, Sangau hnenah an hlan leh a ni.

<><><>

MUHCS

Mizoram Universal Health Care Scheme-a inziah luh theih hun chu May ni 15, 2026 thleng pawhsei a ni dawn.

Sorkar thuchhuah tarlan danin MUHCS 2.0-a inziah luh theih hun chu April ni 15 hian a tawp tawh dawn a, Mizoram Sorkar chuan MUHCS-a inziah luh theih hun hi thla thar May ni 15 thleng a pawtsei dawn a ni.

AMC inthlanna neih turah Election Model Code of Conduct hman mek a nih avanga MUHCS 2.0-a inziah luh theih hun pawhsei a nih thu hriattirna tihchhuah phalsak tura Health Department-in Mizoram State Election Commission hnena dilna a thlen chu Mizoram State Election Commission-in a phalsak a, hetihruah hian Politics-a hamthatna atan hman erawh a remchang lo tih an sawi a ni.

Akashvani News Aizawl thudawn danin, kum 2025 April thla atanga kumin 2026 January thla inkar khan MUHCS hnuaiah mi nawlpui (Contributory beneficiary) te thawkhawm zat chu cheng vbc 6, nuai 54, sing 5, sang 9, 899 niin an inenkawlna senso sorkar in a pek zat chu cheng vbc 37, nuai 46, sing 4, sang 1,412 a ni a.

Hemi hun chung vek hian AB PMJAY Golden Card siam mi nuai 5, sing 9, sang 8, 175 awmin an inenkawlna bill sorkarin a pek zat chu cheng vbc 60, nuai 79, sing 3, sang 1,231 a ni a. Sawrkar hnathawk inziak lut zat chu mi sing 3, sang 5, 325 niin, an hlauh atanga contribution tlingkhawm zat chu cheng vbc 16, nuai 77, sing 5, sang 8,200 a ni a, an inenkawlna bill sorkarin a pek zat chu cheng vbc 43, nuai 81, sing 6,957 a ni a. Pensioner inziaklut mi sing 1, 236 awmin, an thawkhawm zat chu cheng vbc 8, nuai 51, sing 5, sang 1, leh 10 niin, an inenkawlna senso Bill zat chu cheng vbc 29, nuai 49, sing 9, sang 7,717 a ni.

(Desk)

<><><>

NARI SHAKTI

Nari Shakti Vandan Adhinyam Incharge te chuan nimin khan Aizawl Press Club thuthar lakhawmtute kawmin Women Reservation Bill pass tawh hman theihna tura sawi ho a ni tur chu lawmawm an tih thu an sawi.

Nari Shakti Adhinyam Convener Pi Lalremsangi Fanai, State Jt Treasurer chuan Nari Shakti Vandan Adhinyam chu hmeichhia te dikna leh zahawmna ti langtu a ni tih sawiin, Dan satliah nilo in hmeichhe chak te tihchak lehzualna tur anih thu a sawi.

Pi Lalremsangi Fanai chuan NDA-BJP kaihhruai hnuai hawng hrang hrang in India ram in bungthar a kai tih sawiin hun rei tak atanga buaipui hlawh Women Reservation Bill pawh Parliament rorelna sang ber (Lok Sabha leh Rajya Sabha) in lungruat taka Lok Sabha leh State Legislative Assembly a hman tura Nari Shakti Vandan Adhinyam Constitution (108th Amendment) Act, 2023 / Women’s Reservation Act, 2023 a passed a ti a. Parliament Building thar chhunga rorelna hmasa ber leh Bill pass hmasa ber, India ram hmeichhiate tana seat hmun thuma thena hmun khat zuahna tur atana Bill pawimawh pass ani chu lawmawm atih thu a sawi a ni.

(Desk)

<><><>

POSHAN PAKHWADA

Women & Child Development leh Health & Family Welfare buatsaihin Poshan Pakhwada (Nutrition Fortnight) hman mek pualin Early Childhood Assessment Camp, Millenium Centre Exhibition Hall-ah buatsaih a ni.

He programme-ah hian a thlawna inentirna, infiamna leh lehkha chhiarna hmun siam a ni a, naupang a duh apiang tan Doctor chi hrang hrang rawn theihna, Reading Corner leh Arts & Craft Corner-te siam a ni a, Nu leh pate, Sikul zirtirtute mi 500 chuang in an chhim a ni.

(Desk)

<><><>

DRUGS SEIZURE

Kolasib Police leh Kolasib Sub-Hqrs YMA hnuai Kumpulan Sub-Committee tangkawp chuan nizan khan Kolasib Tuithaveng-ah Heroin gram 31.60 leh a neitu-a puh mi 2 an man.

Kolasib Police hian an thudawn bawhzuiin, ruihhlo dap beihpui an thlak a. Lalramsiem Changsan (kum 27) Kolasib Rengtekawn leh Khailomsang Singson (kum 30) Manipur Tamenglong District-a Phaitol khaw mi tuna Kolasib Rengtekawn-a cheng mek ni-a insawi kut atangin Herion gram 31.60 hi an man a ni.

Heng ruihhlo hi tualchhunga a hralh chhawna ang chuan cheng nuai 6, sing 3 leh sang 2 hu ni-a chhut a ni a, a neitu-a puhte hi Kolasib Police Station-ah ND&PS Act hmanga thubuai siam sak an ni.

Nimin vek khan Hnahtial Excise; Khawhri VC leh YMA hruaituten dan lova ruihhlo tawh ruk tumna a awm tih thu an thu dawn bawhzuiin Khawhri leh Thingsai inkarah Laihrethanga (kum 28), Sihatla ni-a insawi khalh Mahindra Bolero Maxx Pickup atangin Heroin Hawng 16 an man.

Ruihhlo neitu-a puh hi ND&PS Act hmanga thubuai siam sak a ni a, vawiin chawhnu khan Lunglei Judicial Magistrate Court-a thawn nghal a ni.

(PTC’s)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

HNAHTIAL CLEANLINESS DRIVE

Hnahtial District Urban Development Officer kaihruaina hnuai hawng ni hnih aw h tur - Cleanliness Drive chu nimi khan kalpui tan a ni.

Urban Development & Poverty Alleviation Department bultuma Swachh Bharat Mission (Urban) hnuai ni hnih aw h tur Faina Hnatlangpui - Cleanliness Drive hi tukin khan kalpui tan a ni a. Ropuiliani Hall leh HDVA court chhehvel bakah District Hospital pan chhohna tih fai a ni.

Faina hnatlang hi DUDO staff leh Lungleng Veng BKHP tangkawp ten neiin Cleanliness Drive hi vawiin lamah pawh kalpui chhonzawm tur a ruahmanna siam a ni.

(Amy, PTC Hnahtial)

<><><>

OIL & GAS

Mizoram Sorkar chuan, indona thleng mek vanga eirawngbawlna Gas leh tuialhthei-a harsatna thleng thei lakah Mizoram Sorkar chuan ngawrh takin hma a la reng a. Tun dinhmunah eirawngbawlna Gas leh tuialhthei chu Mizoramah a thleng tha a, mipui tan chia-na tur a awm lo tih an sawi.

Sawrkar tarlan danin nimin thleng khan Mizorama LPG Distributor hrang hrangah Domestic (14.2Kg) bur 15119 a awm a, kawng laka thang mek bur 32612 nen a vaiin bur 47731 awm ang a ni a. Commercial (19Kg) chu Distributor-ten bur 619 an kawl bakah kawng laka thang mek 336 nen avaiin bur 955 a awm a. Petrol pawl Filling Station-ah Kilolitre 1235.80 awmin, kawng laka thang mek Kilolitre 335 nen a vaiin Kilolitre 1570.80 awm ang a ni a. Diesel chu Filling Station-a Kilolitre 1516 awmsa bakah kawng laka thang mek Kilolitre 375 nen a vaiin Kilolitre 1891 awm ang a ni.

(Desk)

<><><>

BIHAR CM

Bihar Deputy Chief Minister leh BJP MLA nilai Samrat Choudhary chu vawiinah Bihar Chief Minister thar atan lakluh a ni dawn. Chief Minister lakluh inkhawm hi Patna-a Lok Bhavan-ah chawhma dar 11 ah neih a ni dawn a. BJP hruaitu zingah Bihar Chief Minister ni hmasa ber a ni ang. Nimin khan Pu Choudhary chu Bihar BJP Legislature Party leader atan thlan a ni a. Patnaah BJP legislature Party leader anih thu hi puan a ni a. Union Minister Shivraj Singh Chouhan chuan central observer niin leader inthlanna hi a uap a. Pu Choudhary chu lungual takin BJP Legislature Party leader atan thlan anih thu a puang a ni.

Hemi hnu hian Pu Choudhary hian Lok Bhawan-ah Governor hmuin sawrkar thar a siam theih thu hi a thlen leh a ni.

Nimin vek khan Bihar Chief Minister Nitish Kumar chuan Governor Lt.General (Rtd) Syed Ata Hasnain hnenah Chief Minister atanga banna lehkha a thehluh a. Governor hian lo pawm sakin sawrkar thar a pian leh hma chu Chief Minister nihna lo chelh lailawk turin a hrilh a ni.

Tunhnaia Rajya Sabha member atana thlan thar hlim Nitish Kumar-a chuan Social Media lamah sawrkar tharin Bihar inrelbawlna a enkawl tawh dawn a ti a. Sawrkar thar lo piang tur chu an thlawp tur thu sawiini state chungung hmasawna tura mipuute thawhpuaaah lawmthu a sawi a ni..

(Newsonair)

<><><>